

# 1 SAN PEDRO

**Pedro Jesúre bñremurā  
waasirinerārē gojadea**

**1** <sup>1</sup>Yu Pedro musārē oādorea. Jesucristo yure igūyare buedoregu beyemi. Irasirigu musārē, musāya nikūrē wiri, gajirogue Ponto, Galacia, Capadocia, Asia, Bitinia wāikuri nikūgue waasirinerārē i pūrē gojáa. <sup>2</sup>Marīpu āārīnīgū dupiyurogue musārē: “Yaarā āārīma”, ārīderosūta beyedi āārīmī. Ōāgū deyomarīgū merā musārē igūyarā āārīmakū iridi āārīmī, Jesucristo gāāmerirē iriburo, ārīgū. Jesucristo dí béori merā ñerirē koesūnerā āārīburo, ārīgū, irasiridi āārīmī. Musārē oārō iritamu, siñajārī merā āārīdero nemorō āārīrikumakū iriburo.

**Jesúre bñremurā Marīpu merā  
ōārō āārīnībunire gojadea**

<sup>3</sup>Marīpure, marī Opū Jesucristo Pagure: “Ōātaria mu”, ārī, usuyari sīrā! Igū marirē bñro bopoñasīā, Jesucristore boadiguere masūrī merā marirē dupaturi deyoarā irirosū igū pūrā ñajāmakū iridi āārīmī. Irasirigu igū merā marī oārō āārīnikōāburire masīmakū yāmi. <sup>4</sup>Irasirirā, igūyarārē: “Ōārīrē sīgura”, ārīdeare marī opaburire usuyari merā yūrā yāa. Igū marirē sīburi: igū ūmugasigue oārī opari, neō pereburi, boaburi meta āārā. <sup>5</sup>Marīpu marirē igūrē bñremurārē igū turari merā koremi. Irasirigu, i ūmu peremakū, igū marirē peamegue waabonerārē: “Taugura, yu merā āārīnikōārākuma”, ārīdeare iriyuwarikurire masīmakū irigukumi.

<sup>6</sup>Marī mérōgā i ūmugue āārīrópa wārī gajirosūperi ñerō tarikererā,

ūmugasigue Marīpu marirē sībunire gūñarā, bñro usuyari merā āārā. <sup>7</sup>Ñerō tarikererā, marī diayeta Marīpure oārō bñremunírī, oro nemorō wajakua. Oro wajakukerero, pereburi āārā. Masaka irire peamegue soekuma oārī oro dita dujaburo, ārīrā. Irasūta marī ñerō tariri merā diayeta Marīpure oārō bñremunírī dujarākoa. Irasirigu, Jesucristo dupaturi aarīmakū, Marīpu marirē: “Ōārō iribu, irasirirā yu pñro yu merā āārīnikōārākoa”, ārīgukumi.

<sup>8-9</sup>Musā Jesucristore igū i ūmugue āārīmakū iābirinerā āārīkererā, igūrē maña. Dapagoradere igūrē iābirikererā, gūñaturari merā igūrē bñremua. Musā igūrē irasū bñremunīmakū, Marīpu musārē peamegue waabonerārē tarīmakū irigukumi. Irasirirā musā Marīpu pñrogu waaburire gūñarā, irogu eja, usuyarosū bñro usuyāa. I usuyari oparire werenírī merā weremasīña máa.

<sup>10</sup>Iripoegue Marīpuya kerere weredupiyunerā igū musārē oārō iritamugū tauburire werenerā āārīmā. Irire werekererā, pemasībīrinerā āārīmā. Irasirirā irire masīdñarā, bue, gūñamanerā āārīmā. <sup>11</sup>Ōāgū deyomarīgū Cristo igūsārē iriudi iritamurī merā Cristo ñerō tari, boadigue masā, ūmugasigue murīa, pñru āārīpererā Opū āārībunire weredupiyunerā āārīmā. Irasirirā: “¿Noā irasū waagukuri, ñaásū āārīmakū irasū waarokuri?” ārī masīdñarā, irire bue, gūñamanerā āārīmā. <sup>12</sup>Marīpu igūsā masīmakū gāāmegū, igūsārē āsū ārīdi āārīmī: “Musā āārīripoe i irasū waabirīkoa dapa. Pñru marā gapū irire iārākuma”, ārīdi āārīmī. Dapagorare Marīpu marirē tauri kerere wererā igūsā iripoegue

werehareta musārē werema. Ōāgū deyomarīgū Marīpu ūmugasigū merā iriudi iritamurī merā musārē irire werema. Marīpu Jesucristo iridea merā marirē taurire Marīpure wereboerāde buro masidūama.

**Marīpu marirē űerī marirā  
āārīdoremi, āri gojadea**

<sup>13</sup>Irasirirā musā iriburire ōārō pémasirī merā gūñaka! Jesucristo i ūmugue dupaturi aarimakū, Marīpu musārē ōārō iritamugū musā peamegue waabonerēre tauburire gūñanīkōāka! Irire gūñarā, buro űsuyari merā yūka! <sup>14</sup>Iripoegue musā Marīpure masīburi dupiyuro űerō űaribejarire iriunaderosūta dapagorare neō irinemobirikōāka! Majirā īgūsā pagusāmarā dorerire tarinugāmerā irirosū Marīpu dorerire tarinugābirikōāka! <sup>15</sup>Marīpu musārē īgūyarā āārīdoregu siudi, űerī marīgū āārīmi. Irasirirā, īgū irirosū musāde űerī marirāta ōārī ditare irika! <sup>16</sup>Marīpuya werenirī gojadea pūgue irasūta āri gojasūdero āārībū. Āsū ārīdi āārīmi: “Yū ōāgū, űerī marīgū āārā. Irasirirā musāde űerī marirā āārīka!” ārīdi āārīmi.

<sup>17</sup>Marīpu āārīpererāre surosū īāgū, īgūsā irideare: “Iri ōābu, iri ōābiribu”, āri weregū āārīmi. Irasirirā īgūrē: “Gūapu”, ārīrā, i ūmugue musā āārīrōpa gopeyari merā īgūyare irika! <sup>18</sup>Musā űekūsāmarā Marīpuyare iribirinerā āārīmā. Musā īgūsā iriderosū iriri wajamāa. Irasirīgū Marīpu musārē īgūsā iriderosū iriunanerāre taudi āārīmī īgūyare iriburo, ārīgū. Musā ire masia. Marīpu marirē taugu, marī űerō iridea wajare wajaribosadi āārīmī. Irasū wajaribosagu, niyeru, oro merā wajaribosabiridi āārīmī. Niyeru, oro pereburi āārā. <sup>19</sup>Irasirīgū iri wajakuro nemorō marī űerī iridea wajare wajaribosadi āārīmī. īgū magū Cristo boagu dí béodea merā gapu marī űerī iridea wajare wajaribosadi āārīmī. Oveja majīgū masaka Marīpure buremurā

wējē soepeobu ōāgū āārīderosūta Cristo ōāgū űerī marīgū āārīmi. <sup>20</sup>Marīpu i ūmurē īgū iriburo dupiyurogueta Cristo īgū boagu dí béoburire masīsīadi āārīmī. Irapoere i ūmu pereburi dupiyuro Cristore i ūmugue iriudi āārīmī, īgūya dí béori merā musārē iritamuburo, ārīgū. <sup>21</sup>Irasirirā Cristo iritamurī merā Marīpure buremua. Marīpu Cristore boadiguere masū, ūmugasigū āīmūrā, āārīpererā Opu sóodi āārīmī. Irasirirā Marīpure: “Gaare ōārō irīgū āārīmī”, āri buremu, īgū merā ōārō āārīnīburire ōārō masia.

<sup>22</sup>Cristoya diayema kerere pé buremusā, musā űerī iririkurire pirinerā āārībū. Dapagorare diayeta musāyarāre maīmasia. Irasirirā musāya yūjupūrārī, āārīpereri musā turari merā gāme maika! <sup>23</sup>Musā Marīpuya werenirīre buremurā, dupaturi deyoarā irirosū waabu. Irasirirā īgū purā waabu. Marī pagusāmarā merā deyoa, puru boakōārākoa. Iri irirosū āārībea Marīpu purā waamakū. īgūya werenirī, perebiri werenirī āārā. Irasirirā iri werenirī merā īgū puro īgū merā āārīnīkōārākoa. <sup>24</sup>īgūya werenirī gojadea pūgue āsū āri gojasūdero āārībū:

Āārīpererā masaka tá irirosū āārīma. īgūsā ōārī oparide tá goori irirosū āārā. Tá masā, boakōāa. Gooride boakōāa. Iri irirosūta marī masakade boarākoa.

<sup>25</sup>Marī Opu werenirī gapu neō perebirikoa. īgū ārīderosūta waarokoa. Āārīpereri īgū: “Āsū irigūra”, ārīdeare iriyuwarikugukumi, āri gojasūdero āārībū.<sup>a</sup>

Iri ōārī bueri, musārē īgūsā weredea, Jesucristo marirē tauri kerere bueri āārā.

**2** <sup>1</sup>Irasirirā āārīpereri gajirosūperi űerī iririre: ārīkatorire, irikatorire, gajirā gajino opamakū īaturirire, gajirārē űerō āri werewarire pirika! <sup>2-3</sup>Musā, marī Opu musārē ōārō iririre

<sup>a</sup> 1.25 Is 40.6-8

sirū masīsiaa. Irasirirā neō deyoarāgā  
ōpikūrē gāamerōsū musāde marī  
Opūyare diayemarē buro gāameka!  
Irire gāamerā, ĩgūrē būremunemorākoa.  
Musā irasirimakū, musārē taugakumi.

**Cristo masakare okari sīgū ūtāye  
irirosū āārīmi, āri gojadea**

<sup>4</sup>Cristo marīrē okari sīgū suye ūtāye  
masaka ĩgūsā beoadeaye irirosū āārīgū  
āārīmi. ĩgūsā ĩgūrē gāamebirikeremakū,  
Marīpu ĩgū Paḡu gaḡu ĩgūrē: “Ōātarigū,  
āārīpererā Opū āārīmi”, āri beyedi  
āārīmi. Irasirirā ĩgūrē: “Ōāgū āārīmi”,  
āri būremua. <sup>5</sup>Marīde Cristo merā okari  
oparā ūtāyeri irirosū āārā. Marīpu,  
sugu ūtāyeri merā wii irigu irirosū  
marī merā irigu yāmi. Irasirigu marīrē  
ĩgūyarārē ĩgūya wiima irirosū āārīmakū  
yāmi. ĩgūyarā paia ĩgūrē būremurā,  
ĩgū dorederosūta gajino sīma. Marīrē  
ĩgūsā irirosū āārīmakū yāmi, Jesucristo  
iritamurī merā ĩgūrē usuyari sīburo,  
ārīgū. Irasirirā ĩgūyare irirā, ĩgūrē  
usuyamakū irirākoa. <sup>6</sup>Marīpu ĩgūya  
werenīrī gojadea pūgue āsū āridi āārīmi:

Yū beyedire yaa wiima  
weanūpūrōridea ūtāye irirosū  
āārīgūrē Jerusalēgue pīgura. ĩgū,  
yū beyedi ōātarigū, āārīpererā  
Opū āārīmi. ĩgūrē būremurāno,  
buro usuyarākuma. “Ubugorata  
ĩgūrē būremukubu”, āri  
gūñabirikuma, āridi āārīmi.<sup>b</sup>

<sup>7</sup>Musāde ĩgūrē būremurā: “Ōātarigū  
āārīmi”, āri iāa. ĩgūrē būremumerā  
gaḡure Marīpūya werenīrī gojadea  
pūgue āsū āri gojasūdero āārībū:

Marīpu beyedi suye ūtāye wii  
iririmasā beoadeaye irirosū  
āārīkeremakū, Marīpu gaḡu  
ĩgūrē iri wiima weanūpūrōridea  
ūtāye irirosū āārīmakū iridi  
āārīmi. Irasirigu ĩgūrē āārīpererā  
Opū pīdi āārīmi, āri gojasūdero  
āārībū.<sup>c</sup>

<sup>8</sup>Gaji Marīpūya werenīrī gojadea pūgue  
āsū āri gojasūdero āārībū:

Marīpu beyedire būremumerā, iri  
ūtāyegue gubutuameēmejānerā  
irirosū āārīma. Irasirirā Marīpu  
pūroque neō waabirikuma, āri  
gojasūdero āārībū.<sup>d</sup>

ĩgūya kerere būremubiri waja ūtāyegue  
gubutuameēmejānerā irirosū āārīma.  
Marīpu pūroque ejabirikuma. ĩgūsārē  
irasū waaburire Marīpu iripoegueta:  
“Irasū waarokoa”, ārisiadi āārīmi.

**Marīpūyarā āsū āārīma, āri gojadea**

<sup>9</sup>Musā gaḡu Marīpu pūrā ĩgū  
beyenerā āārā. Marī Opūyarā paia  
irirosū ĩgūyare moārā, Marīpūya  
bumarā ĩgū iūrō ñerī marīrā ĩgūyarā  
āārā. Musārē naītārō āārīrā irirosū  
ĩgūyare neō masībīrinerārē masīdoregū  
siudi āārīmi. Irasirigu musārē  
boyorogue āārīrā irirosū irire ōārō  
masīrā āārīmakū iridi āārīmi. Musārē  
ĩgū ōārō irideare gajirārē weredoregū,  
irasiridi āārīmi. <sup>10</sup>Musā iro dupiyuroque  
Marīpu pūrā āārībīribū. Dapagorare  
Marīpu pūrā āārā pama. Musā iro  
dupiyuroque bopoñari merā iāsūña  
marībū. Dapagorare musārē Marīpu  
bopoñari merā iāmi.

**Marīpūyare irirā āārīka! āri gojadea**

<sup>11</sup>Yaarā yū maīrā, musā i ūmārē  
naagorenarīmasā musāya makāgue  
āārīmerā irirosū, Marīpu pūro  
waamurāta āārā. Irasirigu musārē ire  
turaro werea. Musā ñerī waribejarire  
iribirikōāka! Musārē ñerō irimakū  
iriduarā irirosū musā ñerī waribejari  
musārē ñerō irimakū iriduarō yāa.  
<sup>12</sup>Marīpūre masīmerā watopuegue āārīrā  
ōārō irirā āārīka, musārē werewuarī,  
ārīrā! Musā irasirimakū musārē  
werewuaduakererā, Marīpu ĩgūsārē  
ĩgūyare masīmakū irirīpoe musā ōārō  
iririre iānerā āārīsā, ĩgūrē: “Ōāgū,  
turaḡu āārīmi”, āri būremurākuma.

<sup>13</sup>Marī Opūre būremusā, āārīpererā  
i nikū marā oparārē ōārō merā yujūka!  
I nikū marā oparā opū āārīgūdere

<sup>b</sup> 2.6 Is 28.16    <sup>c</sup> 2.7 Sal 118.22    <sup>d</sup> 2.8 Is 8.14-15

yujuka! <sup>14</sup>Īgū dokamarā oparādere yujuka! Īgūsārē Īgū doreri tarinūgārārē wajamoāmūrārē pidi āārīmī. Īgū dorerire irirārē: “Ōārō iriabū musā”, āridoregu pidi āārīmī. Irasirirā Īgūsārē yujuka! <sup>15</sup>Marīpu, musā ōārō irimakū gāāmēmi. Musā irasirimakū ĩārā, pémasīmerā musārē werewuaduakererā, werewuamasībema.

<sup>16</sup>Musā, Marīpu tausūnerā āārīsīā, gajirārē moāboerimasāgora āārībea. Marīpu tausūnerā āārīkererā, “Guare doreri máa. Irasirirā gua gāāmerō ñerīrē irirākoa”, āri gūñabirikōāka! Āsū gapu irika! “Marīpure moāboerā āārā gua”, āri gūñaka! Irasū āri gūñarā, Īgū dorerire irika! <sup>17</sup>Āārīpererā masakare buremurī merā ĩāka! Marīyarārē Jesúre buremurārē maika! Marīpure gopeyari merā buremuka! I nikū marā opūdere buremurī merā ĩāka!

**Cristo ñerō tarigu ĩgū bokatiūderosū musāde bokatiūka! āri gojadea**

<sup>18</sup>Moāboerimasā, ōārō buremurī merā musā oparārē yujuka! Musārē ōārō irirā ditare yujubirikōāka! Musārē turaro merā dorerādere yujuka! <sup>19</sup>Musā ñerō iribirikeremakū, musā oparā musārē wajamoābukuma. Musā, Marīpu ĩūrō diayemarē iriduamakū, ĩgūsā wajamoārīrē bokatiūmakū, Marīpu musārē: “Ōārō yāma”, āri ĩāgukumi. <sup>20</sup>Musā ñerō iriri waja gapu ĩgūsā musārē wajamoāmakū, irire musā bokatiūkeremakū, Marīpu musārē: “Ōārō yāma”, āri ĩābirikumi. Musā ōārō irikeremakū ĩgūsā musārē wajamoāmakū, musā ōārō merā guaro marīrō bokatiūmakū, Marīpu musārē: “Ōārō yāma”, āri ĩāgukumi. <sup>21</sup>Irasiriburo, āriġū, Marīpu musārē ĩgūyarā āārīdoregu siuidi āārīmī. Cristode musāya āārīburire ñerō tarimi, musāde ĩgū iriderosū irituyaburo, āriġū. <sup>22</sup>Īgū neō suñarō ñerō iribirimi. Gajirārē ārikatori merā neō werenībirimi. <sup>23</sup>Masaka ĩgūrē turimakū, ĩgūsārē neō turi gāmbirimi. ĩgūrē ĩgūsā ñerō irikeremakū: “Musārē

ñerō irigura”, neō āribirimi. Īgū Pagu gapure: “Yurpu diayemarē irigu, yure ñerō irirārē diayeta wajamoāgukumi. Īgūge amugukumi”, āri gūñadi āārīmī. Irasirirā marīdere ĩgū āriderosū ārīrō gāamea. <sup>24</sup>Cristo, marī irirosū dupukugu ĩgū basi marī ñerī iridea wajare wajaribosagu curusague boami. Marī okaropa ñerī iririre piri, Marīpuya diayema gapure iriburo, āriġū, boami. Īgū marīrē peamegue waabonerārē taugu, buro kāmiku, buro ñerō tarimi. <sup>25</sup>Oveja dederīnerā irirosū musāde peamegue dederibonerā āārībā. Dapagorare Cristore buremusīā, ĩgūyarā āārā. Irasirigu ovejare koregu irirosū Cristo musārē koremi. Musā ōārō āārīrikuburo, āriġū, musārē ōārō koremi.

**Mojosuanerā āsū irika! āri gojadea**

**3** <sup>1-2</sup>Moāboerimasārē yu werederosūta musā marāposā nomerē weregura. Musā marāpusāmarārē ōārō merā yujuka! Īgūsā dorerosū irika! Surāyeri musā marāpusāmarā Marīpuya kerere buremumerā āārīma. Irasirirā ĩgūyarē musā ĩgūsārē werebirikererā, ĩgūyare ōārō iririkuka! Ōārī ditare irika! Musā marāpusāmarā musārē dorerire buremurī merā yujuka! Musā irasirimakū ĩārā, ĩgūsāde Marīpuya kerere buremubukuma. <sup>3</sup>Musāya dupure wāri mamarikubirikōāka! Musāya dupure gajirārē ĩāsuyumakū iribirikōāka! Musārē: “Ōārō deyoma”, āri ĩāmakū iribirikōāka! Irasirirā musāya poañapure wuapurewea mamuanerā nome, oro merā iridea dari buyanerā nome, wajapari surī sānanerā nome āārīduari ditare gūñarikubirikōāka! <sup>4</sup>Āsū gapu āārīka, ōārā, ōārō deyorā nome āārīduarā! Ōārī gūñarī oparā nome, gajirārē turiro marīrō gopeyaro merā weretamurā nome, siñājārī merā āārīrikurā nome āārīka! Ōārō āārīrikuri, dupure mamarī ōārō deyori pereburosū neō perebirikoa. Musā ōārō āārīrikuri, Marīpu ĩūrōrē ōātariirī āārā. <sup>5</sup>Ipoeguere Marīpuyarā

nome asũta aārĩunanerā aārĩmá. Ígũsā nome: “Marĩpu ārĩderosũta yũre òārō irigũkumi”, ārĩ buremurā, ígũsā marāpusāmarā dorerire òārō yũjunerā aārĩmá. <sup>6</sup>Asũta Sara igo marāpure Abrahārē òārō merā yũjudeo aārĩmó. Irasirigo ígũrē: “Yũ opu”, ārĩunadeo aārĩmó. Irasirirā musā òārō irirā, gũiro marĩrō aārĩrikurā, Sara aārĩderosũ aārĩrākoa.

<sup>7</sup>Asũta musā marāpokurāde musā marāposā nomerē pémasĩrĩ merā òārō irika! Nome, marĩ ũma irirosũ turarā aārĩbema. Irasirirā ígũsārē buremurĩ merā iritamuka! Marĩpu musārē bopoña, ígũ puro perebiri okari sĩburosũta nomedere bopoña, perebiri okari sigũkumi. Irasirirā musā marāposā nomerē òārō koreka! Marĩpu musā sērērĩrē yũjuburosũta ígũsā nomerē òārō irika!

**Òārō ígũsā irikeremakũ, gajirā ígũsārē ñerō iririre werede**

<sup>8</sup>I merā musā aārĩpererārē weretũnugũra. Suro merā òārō aārĩrikũka! Musā merāmarārē bopoñarĩ merā iāka! Sugu purā irirosũ gāme maĩrikũka! Òārō merā gāme iritamuka! “Gua, gajirā nemorō aārĩbea”, ārĩ gũnaka! <sup>9</sup>Gajirā musārē ñerō irimakũ, ígũsārē gāmbirikõaka! Musārē ígũsā ñerō ārĩ werenĩmakũ, ígũsārē ñerō ārĩ gāmbirikõaka! Āsũ gapũ irika! Ígũsāya aārĩburire Marĩpure sērēbosaka! Marĩpu musārē òārō iribu, irire irimurārē pídi aārĩmĩ. <sup>10</sup>Marĩpũya werenĩrĩ gojadea pũguere asũta ārĩ gojasũdero aārĩbũ:

Musā okaropa òārō usuyarĩ  
merā aārĩduarā, neō ñerō  
werenĩbirikõaka! Neō  
ārĩkatobirikõaka!

<sup>11</sup>Aārĩpereri ñerĩ iririre pirikõaka!  
Òārĩ gapũre irika! Gāme iaturiro  
marĩrō sĩnajārĩ merā aārĩrikũka!  
Irire burō gāameka!

<sup>12</sup>Diayemarē irirārē marĩ Opu  
irasũ korenĩkõami. Ígũsā ígũrē

sērērĩrē irasũ penĩkõami. Ñerō  
irirā gapũre gāamebemi, ārĩ  
gojasũdero aārĩbũ.<sup>e</sup>

<sup>13</sup>Òārĩ ditane iriduamakũ, ñnoā  
musārē payanorēbukuri? <sup>14</sup>Diayemarē  
musā irikeremakũ, gajirā musārē ñerō  
irimakũ, Marĩpu gapũ musārē òārō  
yāmi. Irasirirā usuyāa. Musārē ñerō  
iriduarārē gũbirikõaka! Ígũsā musārē  
iriburire gũñarikũbirikõaka! <sup>15</sup>Āsũ  
gapũ irika! Cristore: “Gua Opu aārĩmi”,  
ārĩ buremuka! Musārē: “Ñasirirā  
Cristore buremurĩ?” ārĩ sērēñaranorē  
pémasĩrĩ merā òārō yũjũka! Ígũsā  
musārē sērēñaburo dupiyuro ígũsārē  
yũjuburire òārō gũñayuka! Irasirirā  
ígũsārē Cristo musārē taiburire òārō  
yũjurākoa. <sup>16</sup>Turiro marĩrō òārō  
buremurĩ merā ígũsārē yũjũka! Òārō  
irika! Irasirirā: “Marĩpu iũrō waja  
opabea”, ārĩ gũñarākoa. Cristore musā  
buremurā ígũyare òārō irirā aārĩmakũ  
gajirā musārē: “Ñerō yāma”, ārĩ  
werewuanerā ígũsā musārē werewuadea  
diaye aārĩbirimakũ iārā, gũyasĩrĩrākuma.  
<sup>17</sup>Marĩ ñerō iriri waja gajirā marirē  
ñerō tarimakũ iribukuma. Marĩpu  
gāamemakũ, marĩ òārō iriri waja gajirā  
marirē ñerō tarimakũ iriri gapũ òāgorāa.

<sup>18</sup>Irasũta Cristo òāgũ aārĩkeregu, ñerō  
tarimi. Suñarõta aārĩpererā ñerĩ iridea  
wajare boa, wajaribosadi aārĩmĩ. Marĩ  
ñerā aārĩmakũ, marĩya aārĩburire ñerō  
tarimi, marirē Marĩpũyarā waamakũ  
iribu. Ígũ, marĩ irirosũ dũpũkũgũ aārĩsĩā,  
ígũya dũpũgora tamerā boakõami. Ígũ  
boakeremakũ, ígũya yũjũpurā merā  
okakõadi aārĩmĩ. <sup>19</sup>Irasirigu ígũya  
yũjũpurā merā boanerā ígũsā peresu  
irisũnerā aārĩrõgũe waa, ígũsāya  
yũjũpurārĩrē Marĩpũyare weredi  
aārĩmĩ. <sup>20</sup>Ígũsā iripoeguere Marĩpu  
dorerire tarinũgāunanerā aārĩmá. Noé  
aārĩdeapoguere ígũ wáduru doodirure  
dooripoe Marĩpu ígũrē buremumakũ  
gāāmedi aārĩdimi. Irasirigu: “Gajipoe  
irirā yũre buremubukuma”, ārĩ, ígũsārē  
yoaripoe yúdi aārĩdimi. Ígũsā gapũ neō

<sup>e</sup> 3.12 Sal 34.12-16

buremubiriunanerā āārīmá. Irasirigu Marípu ígūsārē wajamoādi āārímí. Noé ígūya wii marā merā dita: su mojōma pere gají mojō Ɂreru pērebejarā dia mirírírē tariweredi āārímí. <sup>21</sup>Marípu i níkurē miügū ígūsārē taudea, marírē deko merā wāiyeri irirosū āārā. Irasiriro marí peamegue waabonerārē tauburire ímua. Deko merā marírē wāiyemakū, maríya dɁpɁre gurarire koerosū āāríbea. Marí wāiyesūrā, Marípuere: “Guare mu íūrō ñerí marírā āārímakū irika!” ārí sērēa. Irasirirā, Jesucristo masādea merā marí peamegue waabonerā tarimurā āārā. <sup>22</sup>Jesucristo masādero pɁru, Ɂmugasiɡue muríadi āārímí. Irasirigu Marípu diaye gapu doami ígū merā dorebu. Ígū Marípuere wereboerā nemorō, Ɂmarō marā oparā nemorō, āārípererā dorererā nemorō doregu āārímí.

**Marípu iritamurí merā ígūyare irimasírākoa, ārí weredea**

**4** <sup>1</sup>Jesucristo, marí irirosū dɁpɁkɁgu ñerō tarimí. Irasirirā: “Ígū ñerō tarikeregu Marípu gāamerírē iriderosū maríde ñerō tarikererā Marípu gāamerírē irirākoa”, ārí gūñarō gāamea. Maríde, ígū ñerō tariderosū ñerō tarirā, ñerō iririre pirikōā. <sup>2</sup>Irasū pirirā, i Ɂmua marí āārírōpa dupaturi ñerí Ɂaribejarire iribirikoa. Marípu gāamerírē irinírākoa. <sup>3</sup>Iripoegue, Marípuere masímerā ñerírē iriduarire iriderosūta musāde ñerírē iriunanerā āāríbú. Irasirirā guyasírírō marírō ñerírē iririkurā, ñerí Ɂaribejarire iririkurā, mejárikurā, bosenurí irirā mejá, gaguínirikurā āārínērā āāríbú. Marípu dorerire tarinugārā keori weadeare buremunerā āāríbú. Irasirirā iropata iri ñerírē irika! <sup>4</sup>Dapagorare irire murārōta irirā gapu musā iri ñerírē ígūsā merā iribirimákū íārā, íāgukakōāma. Irasirirā musārē íāturi, ñerō wereníma. <sup>5</sup>Marípu ígūsārē: “Musā irasū ñerí irideare werepeoka!” ārígukumi. Ígūta okarārē, boanerādere: “Ire irimákū oāgorabɁ, iri gapure irimákū oābiribu”, ārí beyebu āārímí. <sup>6</sup>I ɁmɁrē āārípererā masaka boamurā

dita āāríkeremakū, Marípu ígūya kerere wererārē ígūsārē irire weredoredi āārímí, boadero pɁru ígū irirosū ígū pɁro okanikōāburo, ārígū.

<sup>7</sup>Āārípereri i Ɂmua pɁreburo mérō dɁyanugāwāgārisiáa. Irasirirā oārō pémasírí merā diayemarē iriníkōāka! Irasirirā Marípuere buremurí merā sērērākoa. <sup>8</sup>Āārípereri gajino iriri nemorō diayeta gāme maíka! Neó gāme maíduúbirikōāka! Marí gajírārē maírā, marírē ígūsā ñerō irikeremakū, mata ígūsā ñerō irideare kátiakōākoa. <sup>9</sup>Musā merāmarā musāya wiirigue ejamakū, oārō ɁsɁyari merā ígūsārē bokatíríneāka! <sup>10</sup>Marípu ígūyarákure ígūyare irimasíburire pídi āārímí. Irasirirā iri merā oārō gāme iritamuka! Marípu masákure musā ígūyare irimasíburire pídea merā ígū gāamerōsū gāme iritamurā, oārō gāme iritamurā yáa. <sup>11</sup>Irasirirā Marípuere wererā, ígū weredorederosūta wereká! Gajírārē iritamurāde ígū turari sírō bokatírō iritamuka! Āārípereri musā iririre Marípuere masaka ɁsɁyari síburosū irika! Jesucristo iritamurí merā irasirika! Marípuere āārípererinɁrí buremuka! Marí āārípererā ígūrē: “Óatarigu, turatarigu āārā”, ārí, ɁsɁyari sírā! Irasūta irirā!

**Jesúre buremurí waja ñerō taririre gojadea**

<sup>12</sup>Yaará yu maírā, musā Jesúre buremurí waja ñetariro tarirā, diayeta ígūrē buremurírē masísua. Irasirirā: “¿Nasiriro yure irasū waari? Gajirosū waakoa”, ārí gukabirikōāka! <sup>13</sup>Ásū gapu irika! Ñerō tarirā: “Cristo ñerō tariderosū guade ñerō taría”, ārí ɁsɁyaka! Irasirirā Cristo dupaturi i Ɂmugue ígū gosesiriri merā, ígū turari merā aarimákū íārā, buro ɁsɁyarākoa. <sup>14</sup>Cristoyarā musā āārírí waja gajirā musārē ñerō ārí burídamakū, musārē ñerō werenímakúdere ire masíka! Marípuyagu Óāgū deyomarígū musā merā āārímí. Ígū turatarigu musārē iritamumi. Irasirirā ɁsɁyáa. <sup>15</sup>Masakare wējébéorimasā, yajarimasā, noó waarō

ñerō iririmasā, gajirārē ĩgūsāyamarē sērēñarikūrā ñerō tarirākuma. ĩgūsā irirosū iribirikōāka! Ōārī iridea waja merā gapu ñerō tarimakū ōāgorāa.

<sup>16</sup>Cristoyarā musā āārīfī waja gajirā musārē ñerō tarimakū irirā yāma. ĩgūsā irasirimakū, gūyasīrībirikōāka! Ubu gapu Marīpūre: “Mu guare Jesucristoyarā āārīmakū iridi āārā, irasirirā murē usuyari sīa”, ārika!

<sup>17</sup>Marīpū marīrē ĩgūyarārē marī irideare: “I gapūre irimakū ōābiribū”, āri beyeripoe ejasiāa. Āārīpererārē marīrē ĩgūyarārē marī irideare irasū āri beyepūrorīgukumi. ĩgūyarārē irasū beyepūrorīgū, ɫnasirīgukuri ĩgūyarā āārīmerā gapūre? ĩgūya kerere gāāmebirī waja ĩgūsārē burō wajamoāgukumi. <sup>18</sup>Marīpūya werenīfī gojadea pūgue āsū āri gojasūdero āārībā: “Ōārā Marīpūyarā burō ñerō taridero pūru, Marīpū ĩgūsārē tau, ĩgū pūro āīagukumi. Ñerā ĩgūrē gāāmemerā gapu ñetararo tarirākuma. Peamegue waadederirākuma”, āri gojasūdero āārībā. <sup>19</sup>Irasirirā Marīpū gāāmerōsū marī ñerō tarirā, ōārī iririre irinīkōārō gāāmea. Marīya āārīburire Marīpūre marīrē iridire wiaro gāāmea. Āārīpereri ĩgū: “Musārē ōārō irigura”, ārideare diayeta irīgukumi. Irasirirā ĩgūrē: “Mu gāāmerō yure irika!” ārīrō gāāmea.

#### Pedro, Jesúre buremurā iriburire gojadea

**5** <sup>1</sup>Dapagore musārē Jesúre buremurā oparā murārē weregura. Yude Jesúre buremurārē doregu āārā. Cristo ñerō tarimakū ĩābū. ĩgū gosesiri merā, ĩgū turari merā dupaturi i ūmugue aarimakū, yude āārīpererā ĩgūrē buremurā merā ĩāgukoa. <sup>2</sup>Marīpūyarā oveja irirosū āārīma. Musā ĩgūyarārē dorerā ovejare korerā

irirosū āārā. Irasirirā Marīpū musārē ĩgū pīnerārē ĩgūyarārē ōārō koreka! Marīpū gāāmerōsū ōārō yujpūrākuri merā ĩgūsārē koreka! ĩgūsārē korerā: “Niyure wajatarākoa”, āri gūñabirikōāka! <sup>3</sup>ĩgūsārē korerā, pūrīrō merā dorebirikōāka! Ōārō iririkūka! Irasirirā musā iririkūre ĩākūrā, ĩgūsāde ōārō iririkūrākuma. <sup>4</sup>Musā irasū ōārō iririkūrā, Cristo marīrē āārīpererā korerā Opū dupaturi i ūmugue aarigū, musārē: “Ōārō iribū”, āriīgukumi. Irasirirā, ĩgū pūro gosesirīrogue ĩgū ōatariri sīburiere<sup>f</sup> wajatarākoa. Iri neō perebirikoa.

<sup>5</sup>Yu musā oparārē wererosū musā maamarādere weregura. “Murārē buremurī merā yujūka!” āri werea. Irasirirā musā Jesúre buremurā āārīpererā: “Gajirā nemorō āārā”, āri gūñarō marīrō gāme iritamuka! Marīpūya werenīfī gojadea pūgue āsū āri gojasūdero āārībā:

“Gajirā nemorō āārā”, āri gūñagūrē Marīpū iritamubemi. “Yu ubu āārīgū āārā, yure iritamuka!” āriīgū gapūre ōārō iritamumi, āri gojasūdero āārībā.<sup>8</sup>

<sup>6</sup>Irasirirā: “Gajirā nemorō āārā”, āri gūñabirikōāka! Marīpū turagu musārē doremakū, yujūka! Musā irasirimakū, Marīpū ĩgū: “Āsū irigura”, āriīrīnū ejamakū, masaka ĩūrō musārē: “Yu maīrā, yu iritamurā āārīma”, āri ĩmugukumi. <sup>7</sup>Marīpū burō maīrī merā musārē koremi. Irasirirā āārīpereri musā gūñarikūre ĩgūrē wereka! ĩgū musārē iritamugukumi.

<sup>8</sup>Ōārō pēmasirī merā diaye gūñaka! Wātī musārē ĩaturigu musārē ñerī irimakū iriduagu ēōkaye guagu waibure baaduagu āmagorenagū irirosū musārē poyanorēduagu āmagorenami. <sup>9</sup>Ire masīa. Musā ñerō tarirosūta āārīpererogue gajirā Jesúre buremurā

<sup>f</sup>5.4 Sugu ūma biririmasū gajirā nemorō ōārō ūmagū, olivo wāikudima pūrī merā iridea berore wajakumi. Masaka iri berore ĩgūya dipurugue peokuma, gajirārē ĩgū wajatadeare ĩmurā. I irirosū, sugu Jesúre buremugū ñerō tarikeregu: “Marīpū yure iritamugukumi”, āri buremurārē pīribi, ūmagusigū perebirī okari wajatagukumi. Iri ūmagusigū perebirī okari wajatarī, i berore wajatarī irirosū āārā.

<sup>8</sup>5.5 Pr 3.34

ñerō tarirā yáma. Irasirirā ñerō  
 tarikererā, wātirē neō yujubirikōāka!  
 Jesús gapure gūñaturaníkōāka! Ígūrē  
 bñremurirē neō piribirikōāka! <sup>10</sup>Musā  
 i ũmugue āārírōpa dita ñerō tarirākoa.  
 Puru Marīpu musārē gūñaturarā, oārā,  
 turarā āārīmakū irigukumi. Marīputa  
 neō piriro marīrō marīrē iritamunígū  
 Jesucristore bñremunugādoregu  
 siiudi āārīmí, marīrē ígū merā ígū  
 gosesirirogue āāríníkōāburo, ārīgū.  
<sup>11</sup>Irasirirā ígūrē: “Mũ turatarigū,  
 āārīpererā Opū āārā”, ārī, usuyari sīnīrā!  
 Irasūta irirā!

**Pedro oādoretúnudea**

<sup>12</sup>Silvano iritamurí merā i pūguere  
 yũ musārē mérīgā gojáa. Ígū, yũ  
 ĩāmakū, Jesúre bñremugū mariyagu

diayemarē irigu āārīmi. Irasirigu  
 ígū iritamurí merā musārē gūñatura,  
 usuyamakū irigu, Marīpu marīrē  
 diayeta maígū āārīmi, ārīgū, i pūrē  
 musārē gojáa. Marīpu marīrē maīrīrē  
 masīrā ígūrē irasū bñremuníkōāka!

<sup>13</sup>Babilonia marā Jesúre bñremurā  
 musārē oādorema. Ígūsāde, musā  
 irirosūta Marīpu beyenerā āārīma.  
 Marcos yũ magū irirosū āārīgūde  
 musārē oādoremi. <sup>14</sup>Musā merāmarārē  
 bokatīrīrā, maīrī merā, oārō usuyari  
 merā mojō ñeāka!

Marīpu āārīpererā musārē  
 Jesucristoyarārē oārō siñajārī merā  
 āārīrikumakū iriburo. Irasūta  
 iriburo.

Iropata āārā.

Pedro